

phi mit fleiß nachgetracht / biß sie solches
 gefunden vnnnd desselbigen nützlichen ges
 brauch / damit sie sich die zeit ihres lebens
 erlünstiget / vnnnd erhalten / erlernen vnd bes
 kommen haben / welches hohe geheimnis
 vnd wunder ding vor ihnen alle Heylige
 Patriarchen auch warhafftig gewußt /
 vnd gehabt / vnd ohne zweiffel Adam dem
 grösten Vatter im anfang von Gott selbst
 wirt geoffenbahret vnd gewiesen wor
 den sein / welches hernach alle alt Väter
 von ihm ererbt vnd auß desselben kräftten
 ihre leibs gesundtheit vnnnd langes leben /
 auch grossen Reichthumb dardurch erlangt
 vnd bekommen haben. Solches Gött
 liche ding / ja wunderding / haben vor er
 melte Heyden / (als sie dieses auch erlangt /
 für ein sonderbare Gabe Gottes vnd für
 die allerhöchste vnd geheimlichste Kunst
 erkennet vnd gehalten) doch darneben ge
 sehen / daß solche durch Gottes fürsehung
 dem wenigern theil der menschen geoffen
 bahret / vnd dem gröstern theil dieser Wele
 verborgen sey / vnd bleiben werde / darumb
 sie auch dieselbe jederzeit / so viel sie gekont /
 in grosser geheim gehalten. Damit aber